

Uunga siunnersuut: Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarnera pillugu Inatsisartut peqqussutaat nr. xx, xx. xx 2010-imeersoq

(Innarluutilinnik isumaginninnerup kommuninut nuunneqarnera)

§ 1

Annertuumik innarluutillit ikiorserneqartarnerat pillugu Inatsisartut peqqussutaat nr. 7, 3. november 1994-imeersumi, Inatsisartut peqqussutaat nr. 12, 5. december 2008-meersukkut kingullermik allanngortinneqartumi annertuumik innarluutillit ikiorserneqartarnerat pillugu Inatsisartut peqqussutaanni makku allannguutigitinneqassapput:

1. § 2 imatut oqaasertalerneqassaaq:

”§ 2. Kommunalbestyrelsip qinnuteqarneratigut Naalakkersuisut akuerisinnaavaat ikorsiissutit allat, matumani misileraalluni aaqqissuussinerit aamma annertuumik innarluutilinnut isumaginninnermi perorsaanikkut neqeroorutit immikkut ittut ilanngullugit eqqarsaatigalugit, pilersinneqarnissaat.

Imm. 2. Ikiorsiissutit imm. 1-imi taaneqartut Naalakkersuisunit nakkutigineqassapput.”

2. § 7 imatut oqaasertalerneqassaaq:

”§ 7. Suut ikorsiissutigineqarsinnaanerat kommunalbestyrelsip aalajangissavaa.

Imm. 2. Kommunalbestyrelsip assersuutigalugu makku aalajangersinnaavai:

- 1) iluaquusersuutinik pissarsinissamut ikorsiineq,
- 2) tapersersortitut ikiortinik atorfinititsinissamut ikorsiineq,
- 3) angajoqqaat allalluunniit innarluutillip angerlarsimaffimmi ulluinnarni paaqqutarineqarneranik suliaqartut sulinermikkut ikiorserneqarnermikkullu oqilisaavigineqarnerat,
- 4) siunnersortimik ikiorteqarnermut ikorsiineq,
- 5) innarluutillip inigisaata allanngortinneqarneranut aaqqissuunneqarneranullu ikorsiineq,
- 6) qanigisat allallu ilinniartinneqarnerinut, pikkorissartinneqarnerinut il.il. ikorsiineq, taamaaliornikkut innarluutillip ulluinnarni inuunerata oqinnerulerlunilu pitsaanerulernissaa anguniarlugu,
- 7) najugaqatigiiffinnik nakkutigineqarlunilu najugaqarfinnik pilersitsinermut ikorsiineq,
- 8) ulloq unnuarlu paaqqinnittarfimmuinneq pillugu naalakkersuisunut inassuteqaat, ajornanngippat Kalaallit Nunaanni,
- 9) innarluutillip angerlarsimaffimmi avataani paaqqinnittarfimmuinneranut atasumik innarluutillip akiliunneqarluni tikeraartinneqarnera imaluunniit feriartinneqarnera, imaluunniit immikkut pisoqartillugu qanigisaasut akiliunneqarlutik feriartinneqarnerat.
- 10) atuartuunerup naareernerani iliuusissanut pilersaarusiorneq.

Imm. 3. Kalaallit Nunaanni ulloq unnuarlu paaqqinnittarfinnut inissiiffissaqavinqippat, ulloq unnuarlu paaqqinnittarfinnut ineqarfinnulluunniit assingusunut Kalaallit Nunaata avataaniittunut inissiinissaq Naalakkersuisut akuersissutigisinnaavaat.”

3. § 8, imm. 3 imatut oqaasertalerneqassaaq:

”*Imm. 3. Pissutsit immikkut ittut pisariaqalersippassuk, kommunalbestyrelsi annertuumik innarluutilinnut biilinkit ataatsimut angallassisarnermik aaqqissuussisisinnaavoq.”*

4. § 10, imm. 3 imatut oqaasertalerneqassaaq:

”Imm. 3. Naalakkersuisut kommunalbestyrelsi najugaqtigifiit nakkutigineqarlunilu najugaqarfinnik pilersitseqquullugu peqqusinnaavaat.”

5. § 11 imatut oqaasertalerneqassaaq:

”**§ 11.** Najugaqtigifiit ataasiakkaat tunaartarisassaat kommunalbestyrelsip akuerisassavai, tak. imm, 4.

Imm. 2. Kommunalbestyrelsi najugaqtigifiit perorsaanikkut ilitsersuisassaaq.

Imm. 3. Najugaqtigifiit ataasiakkaat ingerlanneqarnerisa perorsaanerisalu malittarisassanik tunaartarisassanillu atuuttunik malinninnerat kommunalbestyrelsip nakkutigissavaa.

Imm. 4. Najugaqtigifiit najugaqartussanik tigusisarnermi, aqtsinermi, ingerlatsinermi, aaqqissuussinermi perorsaanikkullu sulinermi tunngaviusumik malittarisassat Naalakkersuisut aalajangersassavaat.”

6. § 12 imatut oqaasertalerneqassaaq:

”**§ 12.** Nakkutigineqarluni najugaqarfifiit ataasiakkaat tunaartarisassaat kommunalbestyrelsip akuerisassavai, tak. imm, 4.

Imm. 2. Nakkutigineqarluni najugaqarfifiit perorsaanikkut kommunalbestyrelsip ilitsersuisassaaq.

Imm. 3. Nakkutigineqarluni najugaqarfifiit ataasiakkaat ingerlanneqarnerisa perorsaanerisalu malittarisassanik tunaartarisassanillu atuuttunik malinninnerat kommunalbestyrelsip nakkutigissavaa.

Imm. 4. Nakkutigineqarluni najugaqarfifiit najugaqartussanik tigusisarnermi, aqtsinermi, ingerlatsinermi, aaqqissuussinermi perorsaanikkullu sulinermi tunngaviusumik malittarisassat Naalakkersuisut aalajangersassavaat.”

7. § 13 atorunnaarsinneqarpoq.

8. § 16 kingorna ivertinneqassaaq:

”**§ 16 a.** Inunnut annertuumik innarluutilinnut ulloq unnuarlu paaqqinnittarfinnut inissinneqarsimasunut kommunit akiliutigisartagaat ullormut unnuamullu ataatsimut akigititaq tunngavigalugu naatsorsorneqassaaq.

9. § 18 a atorunnaarsinneqarpoq.

10. § 19 atorunnaarsinneqarpoq.

11. § 20 imatut oqaasertalerneqassaaq:

”**§ 20.** Kommunalbestyrelsip peqqussut manna tunngavigalugu annertuumik innarluutillit ikiorserneqarsinnaanermut periarfissanik siunnersorlugillu ilitsersussavai.

Imm. 2. Peqqussut manna tunngavigalugu qinnuteqaateqartarneq, inassuteqaateqartarneq, akuersissuteqartarneq aqtsinerlu pillugit malittarisassat Naalakkersuisut aalajangersassavaat.”

12. § 21 imatut oqaasertalerneqassaaq:

”**§ 21.** Annertuumik innarluutilik Kalaallit Nunaata avataani paaqqinnittarfimmippat pineqartup kommunitut najugarivisaani kommunalbestyrelsip pineqartup Kalaallit Nunaannut uternissamut periarfissai ukiumut ikinnerpaamik ataasiarluni misissortassavai.

Imm. 2. Angerlatsitsisarneq pillugu malittarisassat erseqqinnerusut Naalakkersuisut aalajangersassavaat.”

13. § 21-p kingornanut ivertinneqassaaq:

”**§ 21 a.** Inummut annertuumik innarluutilimmut ulloq unnuarlu paaqqinnittarfimmum kommunimi inissiiffiusumi communalbestyrelsip pissutsit inummut annertuumik innarluutilimmut atugassaritaasut nakkutigisussaavai.”

14. § 22 imatut oqaasertalerneqassaaq:

”**§ 22.** Annertuumik innarluutilik peqqussut manna tunngavigalugu ikiorserneqarsinnaanersoq kiisalu ikorsiissutip suussusissaa annertussusissaalu communalbestyrelsip aalajangissavai.

Imm. 2. Peqqussummi pineqartunut kikkut ilaatinneqarnissaannik malittarisassat erseqqinnerusut Naalakkersuisut aalajangersassavaat.”

15. § 23 imatut oqaasertalerneqassaaq:

”**§ 23.** Kommunalbestyrelsip peqqussut manna tunngavigalugu ikiorserneqarnissamik qinnuteqartoq qinnuigisinnaavaa

1) paasissutissat pineqartup qanoq ittumik ikiorsinneqarnissaminut piginnaatitaaffigisaasa aalajangiiviginissaanut pisariaqartinneqartut pissarsiariniarneqarnerannut suleqataaqquillugu, aamma

2) suliap suliarineqarnerata ilaatut nakorsamit misissorteqqullugu imaluunniit misissorneqarniarluni katsorsarneqarniarlunilu uninngasussanngortitaaqquillugu.

Imm. 2. Peqqussut manna tunngavigalugu ikiorserneqarnissamik qinnuteqaatip suliarineqarneranut paasissutissat pisariaqartutut isigisariaqartut, annertuumik innarluutilik sapinngisaq naapertorlugu akuersiseqqaarlugu, annertuumik innarluutilip atugarisaanut tunngasunik ilisimasalinnit allanit imaluunniit annertuumik innarluut pillugu ilisimasalinnit communalbestyrelsip aammattaaq paasissutissat pissarsiariniarsinnaavai.”

16. § 24 atorunnaarsinneqarpoq.

17. § 25 imatut oqaasertalerneqassaaq:

”**§ 25.** Peqqussut manna tunngavigalugu ikiorserneqartoq pisussaaffeqarpoq kommunitut najugarivitamini communalbestyrelsi inuunermini atukkami allanngornerinik ikorsiissutigineqartup tamakkiisumik ilaannakortumilluunniit allanngortinneqarneranik atorunnaarnissaanilluunniit kinguneqarsinnaasunik ilisimatissallugu.

Imm. 2. Inuk imm. 1-imi taaneqartutut paasissutissiisussaatitaanerminik eqortitsinngitsoornermigut imaluunniit ikiorserneqartussaanani nalunngikkaluarlugu peqqussummi matumani aalajangersakkat tunngavigalugit ikorsiissutinik tigusisimappat ikorsiissutigineqarsimasut utertillugit akileqqunissaat piumasaqaatigineqarsinnaavoq.

Imm. 3. Tunniunneqarsimasunik imm. 2 tunngavigalugu tiguneqarsimasunik utertitsilluni akiliisarneq pillugu malittarisassat Naalakkersuisut aalajangersarsinnaavaat.”

18. § 25-p kingornanut ikkunneqassaaq:

”**§ 25 a.** Kommunalbestyrelsi pisussaatitaavoq kisitsisitigut paasissutissat il.il. Naalakkersuisut qinnutigisaasa nassiunnissaannut.

Imm. 2. Naalakkersuisut kisitsisitigut paasissutissat il.il. annertussusissaat pillugu malittarisassanik aalajangersaasinnaapput, takuuq imm. 1, aamma taakku qanoq nutarterneqartassanersut nassiunneqartassanersullu.”

19. § 26 imatut oqaasertalerneqassaaq:

”**§ 26.** Peqqussut manna tunngavigalugu aningaasartuutit, communalbestyrelsimit akilerneqartassapput.

Imm. 2. Inunnut annertuumik innarluutilinnut ulloq unnuarlu paaqqinnitarfiliornermut ingerlanneqarneranullu Naalakkersuisut tapiissuteqarsinnaapput.”

20. § 27, *imm. 2 atorunnaarsinnejarpooq.*

21. § 28 atorunnaarsinnejarpooq.

§ 2

Inatsisartut peqqussutaat manna 1. juli 2010-imni atuutilersinnejarpooq.

Kalaallit Nunaanni Namminersorlutik Oqartussat, xx.xx. 2010

Kuupik Kleist

/

Maliina Abelsen